

雲

適

淡

墨

不才不揣謏陋局于見聞每于山居無事觸
景寫懷偶成雲適集山中說趣竹林野韻嘯月
函空翠居錄以及雲適淡墨諸集業經請政于
名公鉅卿有序有跋然珥筆于人書寫三次而
寫者之心與作者之心未必符合或點畫之差
或字句之錯難免亥豕魯魚之訛凡觀覽
君子幸原諒而裁正之是亦與人為善之一端

雲適淡墨序

余聞麗陽生白木翁以
世臣雄鎮金沙黑水之
間南屏劍州北拒吐蕃

屹然砥柱以無貽

天子南顧憂而又輸金錢

數萬緡爲

國家佐軍興急忠勲大

節彪炳人寰蓋經世才
也已又聞公壯歲解方
伯印辭茅土奉壹意脩
薄迦氏之業西方聖人

不遠千里而至示以大
乘金篦則公又出世人
也及得其所輯雲適淡
墨讀之廣而大山小山

之藏微而帳中枕中之
祕靡不掇其葩而擷其
奇卽鄧林一枝吉光片
羽亦爲之捃摭殆徧雖

雲遊公集
卷八
三
茂先之博物齊諧之志
怪亦何以加茲乃知公
經世出世之學皆從讀
書中來客曰夫旣出世

矣猶不忘文字結習得
無墮綺語障邪余曰不
然自古無不識字神仙
亦無無智慧成佛道者

嵩山面壁不立語言文
字白馬馳經不廢五千
餘卷文亦何嘗礙道哉
是編所載雖不皆蓮臺

淨土之言而言三教可
以證道原言四時五行
可以前民用言惠逆果
報可以增長人善根斷

除人邪妄言天地山川
鳥獸草木飲食珍異之
屬可以攝生可以專對
可以疏濬耳目破人之

穎愚可以借箸當前取
笏畫地與國王大臣辨
晰古今疑義皆大有益
於世且公處鐘鳴鼎食

之家不爲他聲色狗馬
般樂之好而獨沈酣竹
素漁獵典墳此一段清
明之氣便超出癡憨富

貴習俗萬萬昔李鄴侯
勲名旣就度無可談者
輒託言好談神仙蘇端
明才高玩世姑忘言忘

聽則好談鬼神二公以
神仙鬼神爲世不經見
之事故樂稱之是編皆
古今書史之所不載震

旦國中之所希有公豈
鄴侯端明後身邪余不
佞日與逢掖談帖括了
無義味得是編如獲波

斯胡寶藏亟命諸逢掖
嗜學者人抄一部以潤
枯腸昔人抄得漢書一
部自謂貧兒驟富今南

雍士心肝皆成五色譬
之史雲一朝而季倫矣
賜進士第朝議大夫南京
國子監祭酒前左春坊

左庶子兼翰林院侍讀
掌南院事奉

詔纂脩

實錄供侍

宜讀入直

記注編輯六曹章奏管理

文官

誥勅

經筵講官雲間通家侍

生楊汝成撰



霽藹淡墨敘

卅守麗江晉秩藩伯木生

白公旣著芷山霽藹集甫

輦先生爲之玄晏以行矣

已而復輯淡墨一編極
際窮要渺捃摭乎諸家
子史以至藝苑精華稗官
說昆蟲艸木之蕃變罔不

秀搜詳考間戶已意訂正
之而三教嘉言一則陰功
報應二則尤於世道人心
綽有裨益博聞強記洵可

傳矣顧公生平詎徒以是
見長也者當其北拒虜酋
拒番定卜茝高蘭於肘腋
出間勲業爛然在人口目

年未朞十罷郡事識者高
之又且念蕭

君父每疏陳讜言嘗捐金
四萬有奇戶急庫需曰肥

遯者胥是乎今西南半壁
屹然爲萬里長城以無厓
南顧者伊誰之力其誰與
隱可謂兩無負矣夫虞卿

窮愁韓子孤憤皆不得志
於時而後有所纂述呂官
表見斯集則不尔矣惟是
出其緒餘以消清晝而娛

算景余故曰詎徒君是見
最也者雖牧伯高位茅土
大奉使其櫻情於聲色靡
曷止場戲擲石諸頽然

官放夫誰禁之乃獨手不
停披樂而忘老蓋其精神
有獨喻焉耳矣然則謂公
能以是見長世又何不可

賜進士第奉直大夫左春
坊左諭德兼翰林院侍講
纂修

實錄簡理

誥敕直

起居注 召對宣讀

經筵日講扈九隆通家侍

生閃仲儼具州

雲適淡墨序

晉階藩鎮本生白公年甫

強仕推位好賢卓朗通博

于天下事靡所不徹于古

今籍靡所不窺與之尺幅
往往則津津有旨滔滔不
竭使接者快心奪目蓋不
能測公之高深也偶出一

帙示余曰某不佞平生寡
所好尚惟嗜讀書然某鎮
臣也日綢繆西塞烏能盡
窺中壘二酉之藏第備邊

之暇輒披羣籍家庭所乏
卽購之隣封自六經史傳
諸子百家天官地志石室
汲冢稗官方術之書及近

世文集野記方言里語之
屬無一弗寓目焉然恐博
而寡要久而易忘每會于
心隨筆之楮有見必錄有

疑必參大者自兩儀七曜
陰陽時序僊釋鬼神以至
山川風土小者自藝文雜
技以至居處服玩飛潛動

植之類無弗考證而該載
焉丹鉛者若干年始成是
編蓋雅俗並收今古兼撫
題曰雲邁淡墨將梓之以

風示部內請爲我敘諸簡
端余受而閱之竟而不釋
則知公之功力深識見超
而用心良苦哉或單辭而

決千古之疑或數語而槩
全文之義語其鉅則鵬運
天池語其細則蚊巢螟睫
傍搜博採詳略各宜真一

家之言不朽之業也昔蔡
中郎得王仲任論衡祕誦
之覺談更玄遠余雅好書
而鈍根難破兼以嗽石枕

流優游歲月何得快意于
中壘二酉乎金得生白授
此編真所謂仰異人見異
書矣何必中壘二酉直祕

此帳中試與人談當公牙
後慧矣

皆

崇禎十有一年戊寅菊月

賜進士第中憲大夫通政使

司右通政前浙江道御史

巡視西城巡按直隸山東

河南三差掌京畿道太僕

雲適淡墨

序

少卿楊方盛誤

十二

雲邁淡墨集序

生白木翁與余同居五
色雲下相去千餘里而
逖聽風聲稔知其高世

之蹟公潛心內典證入
上乘年甫三十即脫屣
軒冕致政屏居解脫林
中雅以吟詠自娛

國家連歲用兵後先輸金
錢數萬緡佐滇黔遼蜀
之之

朝廷游賜璽書繇二千石

晉方伯秩蓋異數也且
崇飭鶴川學宮勸較士
官解鶴人士德公祠祀
焉公遜大美不居請移

祀其先中憲公至開雞
足選佛場葺遠近衢梁
療瘡痍疾苦諸解推之
惠所全活者無算公遊

心世外而忠孝仁義之
大節炳烺如此余以是
神友公千里猶比隣也
一日以所葺雲遊淡墨

集徵序于余余謂公詩
若文直揖先秦兩漢開
元大曆而上所著雲邁
集行于世久矣讀茲集

一再過更佩服公如圭
如璧如金如錫俱從學
問中來非獨天資之高
邁也集所載自天文律

歷風土歲時以及草木
禽魚醫藥食品用物異
物韻語字形畸人逸士
之芳踪絕域殊方之珍

貢习異搜神之奇論尊
生攝性之微言靡不賅
備盖公于古今載籍無
所不窺撮萬卷為四卷

如涉海者獨採珊瑚而
葺裘者惟取腋下之白
耳置之案頭可當記事
珠付之奚奴背上可稱

行祕書昔劉勰之贊離
騷曰才高者苑其鴻裁
童蒙者拾其香草衣被
詞人非一代矣公是集

出其衣被後學豈有量
哉余每愛左氏之博而
左氏亦徃徃愛人之博
能讀三墳五典八索九

邱左史倚相所以為楚
之寶也不能傲以其所
不知矜向所以為晉之
楨也公出世經世其不

朽處不在是集而即是
集亦足以徵公之博士
大夫未有不喜讀書而
能立三不朽者也謬序

簡端以質之知言之君

子

總督薊遼保定等處軍

務兼理糧餉經略禦

倭兵部右侍郎右僉

都御史傅宗龍撰

雲邁淡墨小引

不佞生於天末弗獲從
諸大方家之後一聆其
謦欬譬則井蛙之不可

語於海也然而猶幸先
大夫慶雲光覆之下得
延隣郡孝廉王先生於
塾先生宏博君子也課

不佞甚嚴凡六藝之書
及外家之語靡不耳提
而面命之第苦於記識
之弗強况以髡髥承廕

度務叢挫俄而得者卽
以俄而失矣故每咕嗶
之餘輒以楮筆記之其
篇中或言之有補於身

心者或言之有裨於事
務者抑或字音釋義有
藉於攷證者悉擇而錄
之至若此書未盡偶見

之於他書者猥以已意
足之歲有所集不覺盈
筭迺於簡閱之暇嘗出
而歎曰余生平精力可

直令其覆醬瓿已耶旣
而持之以示同志僉以
爲可傳然後粗加點定
付之剞劂氏仍命其篇

曰淡墨蓋諺語廣記之
不如淡墨也昔人有言
較書如拂几上塵旋拂
旋生此語洵然然必是

編也無金根之誤乎無
烏寫之譌乎無考覈之
失據者乎觀者幸進而
教之慎無以磨甿堅從

事也

滇西華馬水月道人

木增長卿甫書於櫻

寧樓

雲邁淡墨卷之一

玉水長卿甫木增纂緝

雲間方壺甫楊汝成較

九隆人望甫閃仲儼閱

鶴陽門生解元梁甲壯對

男懿

參高宿

同刊

三教嘉言

儒

積善存仁必有榮華後裔福緣善慶多因積行而生

○仁則榮不仁則辱○一行有失百行俱傾○禍莫大於從己之欲惡莫甚於言人之非○孝敬忠信爲吉德盜賊藏姦爲凶德○誠者萬善之本僞者百禍之基○此心若正無不是福此心若邪無不是禍○富貴在天得之有命○觀人之壽夭必視其用心○一言之善須增萬福之祥多言則背道多欲則傷生○善惡之感萌於心災祥之應見於事○親親之恩莫重於孝尊尊之義莫大於忠○孝弟之子可以爲家瑞○忠則順天孝則生福

○以篤父子以睦兄弟以齊上下夫婦有所是謂
承天之祐○孝以揚親爲主忠以節義爲先○農
夫去草嘉穀必茂忠臣除姦王道以清○至忠動
天舉無不克○父母所憂憂之父母所樂樂之○
夫孝者百行之源而萬福之本也故天地祐之鬼
神護之○宜兄宜弟令德壽豈○內睦者家道昌
外睦者人事濟○天之所助者順也人之所助者
信也○天道無親常與善人○至誠感神○服聖
賢之道講仁義之業宜蒙福祐○人生至樂莫如

讀書○爲善不求人知者謂之陰德故其施廣其
惠博天報必豐○愛民者必有天報○居廟堂之
高則憂其民處江湖之遠則憂其君○以公滅私
民其允懷○爲政以知人爲先知人以清心寡欲
爲本○先知稼穡之艱難乃逸○成家之道曰儉
與勤○安分身無辱知機心自閒○知足則樂務
貪則憂○活千人者子孫必封○無咎者善補過
也○責躬修德所以除患而福至○君子能知其
過必有令圖天所贊也○敬德之聚也能敬必有

德○靜而能敬則無思慮紛紜之患動而能敬則
無舉措煩擾之患○心無妄思足無妄走人無妄
交物無妄受○忍之一字衆妙之門○忍則百惡
消滅謹則萬禍不侵○仁親以爲寶○崇敬師傳
所以尊道重教也○天地之德莫大於好生萬物
之情莫甚於愛生○內懷姦利承顏順旨其爲禍
患不亦深乎

釋

惡惡相承百世俱聞○一切惡莫作當奉行諸善○

萬德種善菩提資糧○愚癡煩惱燒滅善根增長
惡根墮在地獄○十善暢則人天興五戒行則鬼
神絕○生死推遷匪旦伊夕隨業受報淪歷無窮
○爲善生天爲惡入淵○若人心氣調一切皆柔
軟斯人生善種猶如良福田○因地不真果招紆
曲○貧富貴賤並因往業得失有無皆繇昔行○
果報好惡定之於業○善惡報應如指諸掌○果
報相對有若影響有若權衡不差毫釐○善惡生
於天理是非繇乎人心○惡口之罪墮三惡道○

身口意三業無非構禍之因○浮言翳真理爲此
沈惡趣○至誠安徐口無粗言不與彼此是爲梵
行○一念之惡能開五不善之門一念之善能除
累劫之殃○思量一切惡事卽生惡行思量一切
善事卽生善行○心中念善福樂自隨○思量惡
事化爲地獄思量善事化爲天堂○自性起一念
惡滅萬劫善因自性起一念善得恒沙惡盡○一
善染心萬劫不朽○於念念中本性清淨自修自
行自成佛道○起一惡心獲無量罪○慈仁忠孝

等心濟物○仁孝及謙敬忠正修禮智今皆爲回
向同歸正覺道○夫事君者不可以二心唯一至
忠而已矣至忠則名光而衆仰○孝順至道之法
孝名爲戒亦名制止○敬養父母成第一之福田
○孝順供養父母功德果報與一生補處菩薩功
德一等○孝也者一戒之所以先也爲善微戒善
何生焉爲戒微孝戒何自邪故經曰使我疾成無
上真正之道者歸孝德也○存心佛法當蒙福祉
○衆生修善以清淨心歸佛法僧命終生天○克

誠可以感鬼神惟德能以動天地○若衆生心憶
佛念佛現前當來必定見佛○惟有徑路修行但
念阿彌陀佛○禮佛者敬佛之德念佛者感佛之
恩○見諸病人施其湯藥令離病苦命終生欲境
天○若見一切病人常應供養如佛無異八福田
中看病福田是爲第一○開通道路興置橋梁一
念善因受天人之快樂證佛祖之真源○有心無
相相逐心生有相無心相隨心滅○以法理之可
護者護可責者責應遣者遣治以正法人民安寧

○普斷諸暴虐刑獄皆止措悍獨悉安穩○噉蔬
菜澄心神招慈善感延年○不貪人財是故富樂
○少欲之人無求無欲○離欲及貪愛定成天人
師○攝心守正泊然無想此最爲樂○心不貪欲
爲十善之本故能俯絕地獄仰生天堂○前心作
惡如雲覆月後心起善如炬消闇○知過能改是
爲智人○過繇我生改不藉他○慚愧悔過能止
一切惡法○自性內照三毒卽除地獄等罪一時
消滅○若人能持淨戒是則能有善法○守戒無

爲清淨一心則萬邪滅矣○戒是無上菩提本應
當具足持淨戒若能堅持於禁戒是則如來所讚
歎○嗔是心中火能燒功德林欲行菩提道忍辱
護真心○若以諍止諍至竟不能止惟忍能止諍
是法最尊貴○忍辱是安樂行○常應親善人遠
離於惡友以近善人故能捨諸惡業○慈悲之道
救拔爲先○生殺有因果善惡有感應○好積諸
德慈愍衆生不害衆生是爲梵行○面貌似銀盤
心中如黑漆死後受波吒更莫稱冤屈○嫉妒陰

謀敗道壞德

道

勿以曲爲直勿以直爲曲死者奪算身受其害殃及
子孫○爲善者善氣生爲惡者惡氣生○積善善
種積惡惡至如影逐形似響隨聲○功德滿就皆
得飛仙○心術邪正禍福隨之○與人善言暖如
綿絲傷人之語利如荊棘○善言於心終身爲寶
○但主心於一亦可長生○一切善心皆得真道
○孝養父母竭忠於君我勅十方萬神悉令覆護

○求仙者要當以忠孝和順仁信爲本○敬奉尊
像隨心獲福○朝禮上聖福慶九祖長保三光天
地同年○因經悟道因悟成真○人能刻意爲善
靜與道合動與福會○學道者廣行陰德救人厄
難○法令正於上百姓服於下○恬愉退靜獨善
守已○無所誘慕精神內固○定心寡欲可以服
鬼神○君子思義而不慮利○不利貨財不貪世
名不以貴爲安不以賤爲危○知過必改知善必
爲○人誰無過過而能改善莫大焉○戒眼莫看

他非戒口莫談他短戒心莫恣貪嗔戒身莫隨惡
伴○忍者身之寶慎勿與人爭一切諸魔來吾以
忍坐勝一切諸真人皆以忍辱故○學道繇丹心
奉師如至親○救濟萬物世世受祿○陰匿暗昧
伏奸藏欺不義不仁無恩無德北斗定爲大惡

元氣

一元氣二太易三太初四太始五太素第一元氣者
依河圖曰元氣無形何何蒙蒙偃者爲地伏者爲
天體統曰天地者元氣之所生萬物之祖皇甫士

安帝王世紀曰元氣始萌謂之太初三五歷紀曰
未有天地之時混沌如雞子溟滓始開濛鴻滋分
歲起攝提元氣啓肇帝系譜曰天地初起溟滓濛
鴻卽生天皇治萬八千歲以木德王列子曰夫有
形者生於無形則天地安從生故有太易有太初
有太始有太素變而爲一一變而爲七七變而爲
九九者變之究也乃復變而爲一一者形變之始
也清輕者上爲天濁重者下爲地冲和氣者爲人
故天地含精萬物化生也故易上繫曰易有太極

是生兩儀兩儀生四象四象生八卦八卦定其吉凶也春秋感精符曰人主與日月同明四時合信故父天母地兄日姊月春秋說題辭曰天之爲言填也居高理下爲人經郡陽精也含爲太一分爲殊名故立字一大爲天春秋繁露曰天有十端天爲一端地爲一端陽爲一端陰爲一端土爲一端人爲一端金爲一端木爲一端水爲一端火爲一端凡十端天亦喜怒之氣哀樂之心與人相副以類合之天人一也春喜氣故生秋怒氣故殺夏樂

氣故養冬哀氣故藏四者天人同有之爾雅曰穹
蒼蒼天也春爲蒼天夏爲昊天秋爲旻天冬爲上
天

須彌山根上升一萬繇旬遶山縱廣一萬繇旬是堅
首天住復上一倍遶山八千繇旬是華鬘天住復
上一倍遶山四千繇旬是常放逸天住復上一倍
遶山四千繇旬是日月星宿天四天王天住○顯
揚論一日月之照臨名一世界如是千日月千六
欲千初禪名小千界復以千小千名中千其中有

一三禪一千二禪二百萬初禪復以千中千爲大千其中有一四禪一千三禪百萬二禪億萬初禪步天歌

上垣

上垣天廷太微宮昭昭列象布蒼穹端門只是門之中左右執法門西東門左皂衣一謁者以次卽是鳥三公三黑九卿公背旁五黑諸侯卿後行四箇門西主軒屏五帝內坐於中正幸臣太子并從官鳥列帝後從東定郎位虎賁居左右常陳郎將居

其後常陳七星不相悞郎位陳東一十五兩面星垣十星布左右執法是其數宫外明堂布政官三箇靈臺候雲雨少微四星西南隅長垣雙雙微西居北門西南接三台與垣相對無兵災

中垣

中垣北極紫微宮北極五星在其中大帝之座第二珠第三之星庶子居第一號曰爲太子四爲后宮五天樞左右四星是四輔天乙太乙當門路左樞右樞夾南門兩面營衛一十五東蕃左樞連上宰

少宰上輔次少輔上衛少衛八上丞後門東邊大
贊府西番右樞次少尉上弼少弼四相視上衛少
尉七少丞以次却向前門數陰德門裏兩黃聚尚
書以次其位五女史柱史各一戶御女四星五天
柱大理兩黃陰德邊勾陳尾指北極顛勾陳六星
六甲前天皇獨在勾陳裏五帝內坐後門是華蓋
井杠十六星杠作柄象華蓋形蓋上連連九箇星
名曰傳舍如連丁垣外左右各六珠右是內街左
天廚階前八星名八穀廚下五箇天棓宿天床六

星左樞在內廚二星右廚對文昌斗上半月形稀
疎分明六箇星文昌之下曰三師天槍只向三公
明天牢六星太尊邊太陽之首四勢前一箇宰相
太陽側更有三公相西偏杓下玄戈一星圓天理
四星斗裏暗輔星近着暗陽淡北斗之宿七星明
第一主帝名樞星第二第三璇璣是第四名權第
五衡開陽搖光六七名紫宮之次是諸星

下垣

下垣一宮名天市兩扇垣牆二十二當門六角黑市

樓門左兩黃是車肆兩箇宗正四宗人宗星一雙
亦依次帛度兩星屠肆前侯星還在帝座邊帝座
一星常光明四箇微茫宦者星以次兩星名列肆
斗斛帝前依其次斗是五星斛是四垣北九箇貫
索星索口橫着七公成天紀恰似七公形數着分
明多兩星紀北三星名女床此座還依織女旁三
垣之象無相侵二十八宿隨其陰水火木土并與
金以次列有五行吟

二十八宿歌

角

兩星南北正直着中有黑道上天田總是黑星兩相連別有一烏名進賢平道右畔獨淵然最上三星周鼎形角下天門左平星雙雙橫於庫樓上庫樓十星屈曲明樓中五柱十五星三三相似如鼎形其中四星別名衡南門樓外兩星橫

亢

四星恰似彎弓狀大角一星直上明折威七子亢下橫大角左右攝提星三三相似如鼎形折威下左

頓頑星兩箇斜安黃色精頑下二星號陽門色若
頓頑直下存

氏

四星似斗側量米天乳氏上黑一星世人不識稱無
名一箇招搖梗河上梗河橫列三星狀帝席三黑
河之西亢池六星近攝提氏下衆星騎官出騎官
之衆二十七三三相連十欠一陣車氏下騎官次
騎官下三車騎位天福兩星立陣旁將軍陣裏鎮
威霜

房

四星直下主明堂鍵閉一黃斜向上鉤鈴兩箇近其
旁爵有三星直鍵上兩咸夾爵似房狀房西一星
號爲日從官兩星日下出

心

三星中央色更深下頭積卒共十二三三相聚心下
是

尾

九星如鉤蒼龍尾下頭五點號竈星尾上天江四橫

是尾東一箇名傳說傳說東畔一魚子尾西一室
是神宮所以列在后妃中

箕

四星形狀如簸箕箕下三星如木杵箕前一星是糠
一棋

斗

六星其狀似北斗魁上建星三相對天弁建上三三
九斗下圓安十四星雖然名鼈貫索形天雞建背
雙黑星天籥柄前八黃精狗國四方雞下生天

十星鼈東邊更有兩狗斗魁前農家大人斗下眠
天淵十黃狗色玄

牛

六星近在河岸頭牛下九黑是天田田下三三九坎
連牛上直建三河鼓鼓上三星號織女左旗右旗
各九星河鼓兩旁右邊明更有四黃名天桴河鼓
直下如連珠羅堰三烏牛東居漸臺四星似口形
輦道東足連五丁輦道漸臺在何許欲得見時近
織女

女

四星如箕主嫁娶十二諸國在下陳先從越國向東
論東西兩周次二秦雍州南下雙鴈門伐國向西
一晉申韓魏各一晉北輪楚國一星魏西屯楚城
南畔獨燕軍燕西一郡是齊鄰齊北兩邑平原君
欲知鄭在越下存十六黃星細區分五箇離珠女
上星敗瓜珠上瓠瓜生兩箇各五瓠瓜明天津九
箇彈弓形兩星入牛河中橫四箇奚伸天津上七
箇仲側扶筐星

虛

上下各一連珠狀命祿危非虛上星虛危之下哭泣
星哭泣雙雙下壘城天壘團圓十三星敗曰四星
城下橫曰西三箇離瑜明

危

三星不直舊先知危上五黑號人星人畔三四杵曰
明人上七烏號車府府上天鈞九黃星鈞下五鵠
字造父危下四星號墳墓墓下四星斜虛梁十箇
天錢梁下黃墓旁兩星能蓋屋身著皂衣危下宿

室

兩星上有離宮出遶室三雙有六星下頭六箇雷電
形壘壁陣次十二星十二兩頭大似井陣下分明
羽林軍四十五卒三爲群軍西四下多難論仔細
歷歷看區分三粒黃金爲鐵鉞一顆真珠北落門
門東八魁九箇子門西一宿天網是電旁兩黑土
工吏騰蛇室上二十二

壁

兩星下頭是霹靂霹靂五星橫着行雲雨之次曰四

方壁上天廐十員黃鐵鎖五星林羽旁土工兩黑
壁下藏

奎

腰細頭尖似破鞋一十六星遶鞋生外屏七烏奎下
橫屏下七星天濶明司空左畔土之精奎上一宿
軍南門河中六箇閣道行附露一星道旁明五箇
吐花王良星良星近上一策名

婁

三星不勻近一頭左更右更烏夾婁天倉六箇婁下

頭天庾三星倉東脚婁上十一將軍侯

胃

三星鼎足河之次天廩胃下斜四星天國十三如乙
形河中八星名大陵陵北九箇天船名陵中積屍
一箇星積水船中一黑精

昴

七星一聚實不少阿西月東各一星阿下五黃天陰
名陰下六鳥芻藁營營南十六天苑形河中六星
名卷舌舌中黑點天譏星礪石舌半斜四丁

畢

畢似瓜叉八星出附耳畢股一星光天街兩星畢背
旁天節耳下八烏幢畢上橫列六諸王王下四皂
天高星節下團圓九州城畢口斜對五車星車有
三柱任縱橫車中五箇天潢精潢畔咸池三黑星
天闊一星車腳邊參旗九箇參腳間旗下直建九
旂連旂下十三烏天園九旂天園參腳邊

觜

三星相近作參藥觜上座旗直指天尊卑之位九相

連司怪曲立座旗邊四鳥大近井越前

參

總有七星觜上侵兩肩雙足三爲心伐有三星足裏
深三井四星右足陰屏星兩扇井南襟軍井四星
屏上吟左足下四天厠臨厠下一物天屎沈

井

八星橫列河中靜一星名越井邊安兩河各三南北
正天罇三星井上西罇上橫列五諸侯侯上北河
西積水欲覓積薪水畔是越下四星名水府水位

東邊四星序四瀆橫列南河裏南河下頭軍是市
軍市團圓十三星中有一箇野雞精孫子丈人市
下列各位兩星從東說闕丘兩星南河東丘下一
狼先蓬茸左畔九箇彎弓弧一矢直射頑狼臂有
箇老人南極中春秋出入壽無窮

鬼

四星冊方似木櫃中央白者積屍氣鬼上四星是耀
位天狗七星鬼下是外廚六間柳星次天社六星
弧東倚社東一星名天紀

柳

八星曲頭垂似柳近上三星號爲酒享宴大輔五星守

星

七星如鈎柳下生星上十七軒轅形軒轅東頭四內屏平下三箇名天相相下積星橫五靈

張

六星似軫在星旁張下只是有天廟十四之星冊四方長垣少微須向上星數畝在太微旁太尋一

直上黃

翼

二十二星大難識上五下五橫着行中央六箇恰似
張更有六星在何處三三相連張畔附必若不能
分處所更請向前看野取五箇黑星翼下頭欲知
名字是東甌

軫

四星似張翼相近中央一箇長沙子左轄右轄附兩
星軍門兩黃近翼是門西四箇土司空門東七烏

青丘子青丘之下名器府器府之星三十二以上皆是太微宮黃道向上取看是

過去娑伽婆仙分布諸宿曜護國養人各有所主東方七宿角亢氐房心尾箕北方七宿斗牛女虛危室壁西方七宿奎婁胃昂畢觜參南方七宿井鬼柳星張翼軫

有九種執曜能令晝夜時分增減世間豐儉其名曰

日月熒惑

火

辰

水

歲

木

太白

金

鎮

土

羅喉

火

餘氣

彗

孛

土之餘氣

十二月名

爾雅正月陬二月如三月寗四月余五月臯六月且
七月相八月壯九月玄十月陽十一月辜十二月
爲涂

十干主月

爾雅月在甲曰畢在乙曰橘在丙曰修在丁曰圉在
戊曰厲在己曰則在庚曰窒在辛曰塞在壬曰終
在癸曰極正月得甲爲畢陬得乙爲橘陬是也餘
倣此

十干名

爾雅注甲萬物部孚甲而出也乙萬物生軋軋也丙陽道著明也丁萬物之丁壯也戊物皆茂盛也已萬物皆有定形可紀識也庚者陰氣更萬物也辛萬物之辛生也壬陽氣任養萬物于下也癸萬物可揆度也

十干歲名

許慎註太歲在甲曰閎逢言萬物鋒芒欲出壅遏未通也在乙曰濔蒙言萬物合蒙甲也在丙曰柔兆

言萬物皆生枝布葉也在丁曰強圉言萬物剛盛
也在戊曰著雍言位在中央萬物繁養四方也在
巳曰屠維言萬物各成其性也屠別也維離也在
庚曰上章言陰氣上昇萬物畢生也在辛曰重光
言萬物就成熟其遑遑也在壬曰玄默言萬物包
任萬物也在癸曰昭陽言陽氣始萌萬物合生也

闕音遏旃音
占默音亦

十二支

紀天皇氏始制干支之名以定歲之所在十干自闕

逢至昭陽十二支子困敦音敦赤奮若寅攝提格卯
單闕辰執徐巳大荒落午敦牂未協合申涖灘酉
作噩戌闡茂亥大淵獻音獻子獨斷干幹也亦曰十
母支枝也亦曰十二子敦牂音頓
莊涖音敦

十二支歲

淮南子註太歲在子曰困敦言陽氣皆混沌萬物萌
蘖也丑赤奮若言陽氣奮迅萬物而起無不順若
其性也寅攝提格言萬物承陽而起也卯單闕言
陽氣推萬物而起陰氣單盡闕止也辰執徐言伏

質之物皆散舒而出也已大荒落言萬物方熾盛而大出霍然落落大布散也午敦牂言萬物敦盛牂壯也未協洽言陰陽化生萬物協和洽合也申涇灘言萬物皆涇大灘修其精氣也酉作噩言萬物皆倏落也戌閭茂言萬物掩蔽茂冒也亥大淵獻言萬物終大淵深藏窟以迎陽氣也

困音群單音明

作鄂又詬

十二次名

玄枵子星紀丑析木寅大火卯壽星辰鶉尾巳鶉火

午鵠首未實沈申大梁酉降婁戌姬訾亥

枵音耗
沈音塵

姬音
滋

十六神

太乙數四時之氣分在四維行於十二支辰故有十六神子神曰地主言陽氣初動萬物在下也丑神陽德言二陽用事布育萬物也艮神和德言春冬將交陰陽氣和群物方生也寅神呂申言陽氣大申草木甲折也卯神高叢言木氣太旺萬物皆出也辰神太陽言五陽正盛飛龍在天也巽神大艮

言光明發輝萬物潔齊也巳神大神言六陽大備
火神司權萬物長盛也午神大威言陽謝陰生火
神炳化刑暴始行也未神天道言二陰任事萬物
生育也坤神大武言陰氣施陽萬物殺傷也申神
武德言金氣始旺肅殺司權也酉神大發言萬物
成熟大有品簇也戌神陰主言五陰正盛黃裳元
吉也乾神陰德言陰中陽生大有其德也亥神大
義言六陰大備水神司權萬物滋生也

佛經十二月名

正月曰阿濕縛庾闇二月曰羯栗底伽三月曰末迦
始羅四月曰報沙五月曰磨迦六月曰頗勒婁那
七月曰制恒那八月曰吠舍佉九月曰誓瑟提十
月曰阿沙荼十一月曰室羅筏拏十二月曰婆達
羅鉢陁

歲四時

翻譯名義春三月謂制且邏月吠舍佉月逝瑟吒月
當此從正月十五日至四月十五日夏三月謂頗
沙荼月室羅伐拏月婆達羅鉢陁月當此從四月

十六日至七月十五日秋三月謂頽濕縛庾閏月
迦刺底迦月末伽始羅月當此從七月十六日至
十月十五日冬三月謂報月磨祛月頽勒婁孛月
當此從十月十六日至正月十五日

六甲五子

曆志干有六甲謂甲子甲寅甲辰甲午甲申甲戌也
辰有五子謂甲子丙子戊子庚子壬子也六甲之
中惟甲寅無子亦曰五子

六丁

丁丑丁卯丁巳丁未丁酉丁亥

以日名月

歲以卦氣爲升降十月純坤十一月初陽方動是爲一之日十二月二陽升爲二之日正月三陽升爲三之日二月四陽升故曰四之日也

佛曆歲月

婆沙論一歲有十二月晝夜增減略爲二時繇減及增各六月故晝夜增減各一腊縛月則各一年呼栗多三十牟呼栗多成一晝夜增位極長不過十

八減位極短惟有十二晝夜停位各有十五謂羯
栗底迦月白半第八日晝夜各十五牟呼栗多從
此以後晝減夜增各一臘縛至未迦始羅月白半
第八日夜有十六牟呼栗多晝十四至報沙月白
半第八日夜有十七晝十三至磨伽月白半第八
日夜有十八晝十二從此以後夜減晝增各三臘
縛至頗勒婆那月白半第八日夜有十七晝十三
至制恒那月白半第八日夜有十六晝十四至吠
舍佉月白半第八日晝夜各十五從此以後夜減

晝增各一臘縛至誓瑟捃月白半第八日夜有十四晝十六至阿沙茶月白半第八日夜有十三晝十七至室羅筏拏月白半第八日夜有十二晝有十八從此以後晝減夜增各一臘縛至婆達羅鉢陀月白半第八日夜有十三晝十七至阿濕縛庾闍月白半第八日夜有十四晝十六如是復至羯栗底迦月白半羅月乃此方三月也自此次第直至末後阿濕縛庾闍月乃此方次年正月也○又論一歲有十二月六增六減凡遇晝長夜短之月

晝則增一臘縛夜則減一臘縛進退有漸月積三十臘縛爲年浮粟多六月乃止復遇晝短夜長之月夜則將長晝又將短增減亦然周而復始如上文云三十羅婆爲一牢粟多今考羅婆乃臘縛異名而音近也但推時分延促無毫釐差

三冬足用

方朔曰臣年十三學書三冬文史足用

三歲不窺園

董子下帷讀書三歲不窺園

三餘勤學

董遇曰夜者日之餘冬者歲之餘風雨時之餘

服氣煉形

六帖齋心受籙服氣煉形暑不流汗冬不挾纊膚體
顏色冰清玉溫

九轉丹

茅君內傳九轉還丹合九十日晝夜而成

一卧百日

陳搏閉門獨臥至百日周世宗于禁中扃戶以試異

之楊文公談錄

輪扇葭灰候氣

隋書北齊神武霸府臣曹參軍信都芳深有巧思能以管候氣仰觀雲色嘗與人對語卽指天曰孟春之氣至矣人往驗管而飛灰已應又爲輪扇二十四埋地中以別二十四氣每一氣感則一扇自動他扇並住與管灰相應祖珽嘗謂芳曰律管吹灰術甚微妙絕來旣久吾思所不至芳思十數日報曰須得河內葭草灰祖試之無驗後得河內灰用

律應節便飛

染丹秫

冬官鍾氏染羽以朱湛丹秫三月而熾之

注湛漬也丹

秫赤粟也羽以飭旌旗

染夏

叢抄夏上聲凡染五色曰染夏

春韭秋菘

齊書周顒隱山中王儉問山中何食曰綠葵紫蓼重
文太子問菜食何味最勝顒曰春初早韭秋末晚

菘

泥石牛禱雨

廣州記鬱林郡東南有池池有石牛歲旱殺牛以血和泥塗石牛背祀畢天雨洗其泥盡卽晴

三星在罽

詩注罽中無魚但見三星凶歲也

四時爲馬

淮以天爲蓋以地爲輿四時爲馬陰陽爲御

醉有所宜

秋潭月皇甫義真言凡醉各有所宜醉花宜晝襲其
光也醉雪宜夜消其潔也醉樓宜暑資其清也醉
水宜秋泛其爽也

雲馬風駟

春雲爲馬秋風爲駟

香雲香雨

員嶠山爛石燒烟升成香雲徧則成香雨

穴火焚石

期伽里舒國山有穴四季出火不燒林木焚石如炭

西極國眠人

事文類聚西極之國陰陽之氣所不交其人不食不
飲而多眠五旬始一覺

大軫紫米

酉陽雜俎大軫國貢紫米類巨勝子炊之一升得飯
一斗食之髮鬢黑顏色美久食不死

陽起石

齊州城西一土山四時暖石生其中故名

四時菜

蔓菁名四時菜春食苗夏食葉秋食莖冬食根諸葛
武侯教人種故名諸葛菜

松柏樅檜

四木相同而皆長青松木葉直而身曲栢木身直而
葉曲樅木松葉栢身身葉俱直檜木松身栢葉身
葉俱曲

模葉五色

物類訓模木生周公塚其葉春青夏赤秋白冬黑併
土黃爲具五色

三花樹

道書漢世有道士從外國將貝多子于嵩高西麓種之有四樹與衆木異一年三花白色香美

木蘭

大樹冬夏茂冬花實如柿甘美其皮可食

霜林

漢明帝時常山獻巨核桃霜下結花隆暑方熟帝使植霜林園中

婦孺梓

宋徐伯珍隱居後漢龍丘萇隱處多龍須種柏望之
五采世呼婦人昂木皆連理梓樹一年便合抱

冥靈

異木也列子荆南有冥靈五百歲爲春五百歲爲秋
荔枝

廣志荔枝樹高五六丈似桂冬夏榮茂青華朱實大
如雞子日中翕然俱赤一樹下子百斛

龍眼

上一名益智南方草木狀樹如荔枝枝葉稍小殼青

黃色圓如彈一朶五六十顆作穗如葡萄然荔枝
過始熟故名荔枝奴

龍須栢

南徐伯珍移居九巖山北門前生龍須栢一年合抱

竹鞭行時

竹譜竹根曰鞭以鞭行時八月爲春二三月爲秋

祝融石榴

酉陽雜俎衡山祝融峰下法華寺石榴花如槿春秋

皆發

四時桂

八牋木樨花四種有四時開花者

枇杷

本草枇杷四時不凋盛冬白花三四月成熟實採葉無時

凍橘

橘譜凍橘顆如常橘之半八月八日爲小春枝頭時作細白花冰雪中着子甚繁春二三月始採

榕樹

南海桂林多葉如木蕐實如冬青四時榮茂幹曲不
可爲器燒之無燄其蔭可十畝枝垂到根故植以
爲息

蜜香八種

南方草木狀交趾蜜香樹一樹八香其幹似柅柳其
花白而繁其葉如橘伐之經年其根幹各別成香
也木心與節堅黑沈水爲沈香與水面平爲雞骨
香其根爲黃熟香其幹爲棧香細實未爛之枝爲
青桂香其根節輕而大者爲馬蹄香其花下香成

實乃香者爲雞舌香總心蜜香珍異之木也

柳樹

葉如栟櫚高六七丈無花其實大殼堅割飲其漿能醉人味美

蘇枋樹

似槐花黑子出九真可染絳漬以大庾之水色愈深

三荊樹

寧浦三種荊樹金荊可作枕紫荊可作牀白荊可作履與他處牡荊蔓荊全異又有牡荊指瘡自愈月

暈刻如人身齊置床下雖危亦愈

紫藤

葉細長莖如竹根極堅實重重有皮花白子黑置酒
中歷二三十年不敗其莖置烟良中經時紫香可
以降神

四時花木

四季竹長節堅圓可爲簾簾四季槐其花淡紅色月
季花逐月開四季槿生南海

玉芝

詩註玉芝一名鬼臼歲生一作白如黃精可辟穀黃山

谷云啗三日可辟穀

茵芝三秀

茵音蘇

瑞草也一歲三花

石蛙

蛙音怯

仙草狀如龜脚得春雨生花值冬臘則死

鳳尾蕉

出琉球樹似棕葉如鳳尾四時翠色不變

賴川芝

古今注章帝時潁川出芝六月生一葉五歲五重春
青夏紫秋白冬黑色十月後黃氣出上尺五寸

知風草

類林南海有草叢生如蔓土人視其節以占歲之風
每一節則一風名曰知風草

救窮草

福地記武當縣石階山西北角有大松樹下生名救
窮草冬夏不枯日食三寸不饑陶先生謂之西岳
佐命

苾芻草

尊聖經云西天苾芻草一坐不背日一一冬夏長青
共有六義以喻尊僧

仙人草

四時長生謝惠連讀園有嘉草名曰仙人草

附子天雄

本草一種四名冬採曰附子春採曰烏頭時採大者
天雄其旁側子

青田鶴

永嘉記青田有白鶴年年來伏雛世謂神仙所養

鵲知太歲

格物論鵲善爲巢開門背太歲立必順風南飛月夜
東向雨晴此任自然性也南人聞其聲則喜北人
則悲詩注鵲巢冬至架至春乃成占書鵲知風是
歲風多則巢卑風少則巢高

勃鴿月雛

格古論鴿鳩類也每月一伏雛

杜鵑

鵲鳩一名子規一名杜宇春分鳴衆芳生秋分鳴衆芳歇又山居草堂記稽山四時杜鵑

春夏翟

翟雉屬隨時異名

麒麟

月令章句麟生于火游于土故修其母致其子五行之精也春秋保乾圖歲星散爲麟春秋孔演圖麟木精也麒麟鬬日無光博物志麒麟鬬而日蝕

神羊易處

說文獬豸一名神羊似牛一角正直觸邪又名觸邪
春夏處澤藪秋冬處松柏

老馬識道

春秋後語齊桓公伐觚竹春往秋還迷歸路管仲令
放老馬隨之得歸路

象膽四時

酉陽雜俎象膽春在前左足夏在前右足秋在後左
足冬在後右足如龜無定體也

兔竅隨月

博物志兔飮毫望月而孕口中吐子食物本草兔爲
食品之主品隨月得竅其竅乃有六七八九其子
從口出故妊娠者禁食之

馬牛狗熊時欲

佛藏大毗婆娑論男女結生和合有情旣命終已適
受中有卽住結生若有慾心不常增者如何中有
隨住結生如馬春時欲心增盛餘時不爾牛於夏
時狗于秋時熊於冬時亦復如是驢於一切時慾
心增盛矣

蜜蜂歲政

陰陽變化論蜂每三四月則生黑色蜂名曰將蜂又名相蜂蜂王乃相蜂所生也相蜂不能採花但能釀蜜無此蜂則不能成蜜至七八月間相蜂盡死相蜂如不死則群蜂饑俗謂相蜂過冬蜂必族空蜂王大如小指不螫蜂無王而盡死有二王而卽分分蜂之時多老王遜位而出所分之蜂均挈其半未嘗多寡從王而出者未嘗復回飛止必環衛蜂王皆有隊伍行列採花時一半守房一半依次

撥發花少受罰野花開時蝦蟆所掠蛛蝥所粘者
十去其三每一百蜂住有七十四房如菜花盛時
十去其一二爾蜂每日有三朝

金鐘九乳

樂圖君子鏤金鐘四時九乳

十二衣

同上五色六章十二衣還相爲主十二月之衣

中宮屏

御屏以九宮定位每月設中宮之色

狨座

朱或可談狨座文臣兩制武臣節制使以上許用每歲九月乘二月徹無定日惟視宰相乘徹狨似大猴生川中春毛最長色如金每座縫數十片價值百千

返魂香

續博物志月氏獻香後值長安疫死大半武帝分香燒之死未三日者皆活芳氣三月不歇

神枕

神仙傳漢武帝見泰山老父頭上有白光問之對曰
有道士教作枕有三十二竅其二十四竅應二十
四氣八竅應八風臣行年轉少而齒復生

飛廉樓

漢書公孫卿言仙人好樓居黃帝爲十二樓候神人
干執期名曰迎年武帝乃作飛廉樓

三臺

五經異云天子有三臺靈臺以觀天文時臺以觀四
時施化囿臺以觀鳥獸魚鼈諸侯不得觀天文無

靈臺但有時臺固臺袁紹傳注尚書爲中臺御史
爲憲臺謁者爲外臺

四極

爾雅孤竹北戶西王母日下謂之四荒
岨齊州以南戴日爲丹穴北戴斗極爲空
同東至日所出爲泰平西至日所入爲
泰蒙

五方人民

博物志東方少陽日月所出山谷清其人
佼好西方少陰其土竊冥其人高鼻深目
多毛南方太陽土

下水淺其人大口多傲北方太陰土平廣深其人
廣面縮頸中央四折屈兩山谷峻其人端正

五氣生人

全上山氣多男澤氣多女平衍氣人高陵氣犯叢林
氣蹙故澤所居高中之平下中之高則出好人

地轉柱軸

全上崑崙山地轉下三千六百里有八玄幽都方二
十萬里地下有四柱四柱廣十萬里地有三千六
百軸犬牙相舉

五土宜物

山有沙者生金有谷者生玉名山生神芝不死之草
土山多雲鐵山多石五土所宜種禾黑墳宜麥黍
蒼赤宜菽芋下泉宜稻得宜則倍利

物性

九竅者胎化八竅者卵生龜鼈皆此類咸卵生影伏
○白益雌雄相視則孕或曰雄鳴上風則雌孕○
大腰無雄龜鼈類也與蛇通氣則孕細腰無雌蜂
類也咒桑蟲成子○蠶三化先孕後交不交者亦

子後生而無眉目易復收亦薄○鳥翼右掩左爲
雄掩右爲雌○鸛取礬石繞卵助燥故方術家取
用之○蟻蟪以背行快於足用○物相亂者砥砭
怪石似玉○蛇牀亂靡蕪○薺芎亂人參○百部
似門冬○拔楔似草薺一名狗脊○房葵似狼毒
○杜蘅亂細草○敵休亂門冬○雄黃似石硫李
石續博物志狔將風則湧鼉欲雨則鳴○鸛能禹
步轉巨石以覓蛇人學其法圍篋于巢閉其雛鸛
必作法解之鋪沙印其足跡○鼃脂得火能燃鐵

○木日造麴而酸○水日造醬而蟲○九焦日種
穀不生○六合日遣鬼不去○火日安蜂蜜苦○
土日種麻不生○馳糞烟殺蚊壁虱○驚驚鬼鳩
鵲厭火孔雀避惡○蛇蛻塞兩耳治瘡覆盆子卽
苒荖汁合膏塗髮不白○降真香主天行時氣○
鼈爲臙數食可長鬚○椒是玉衡星精服之身輕
○啄木遇蠹以嘴書符卽出○鵲有隱巢木驚鳥
不能見○燕銜避戊巳則巢不傾○鸛有長水石
故于巢中養魚○金錢花損眼○雷火及金石銷

銕而漆器不壞○南冒燃石灌水便熱以鼎炆物
可熟置之則冷○魚龍畏鐵鐵味辛害目○食鼠
淚得黃疾通身如蠟○銚石類金木蘭類桂奚醢
類檀狐狸類狗鷺鷥類鳳野馬類虎虎嘯風生龍
吟雲起磁石引針琥珀拾芥漆得蠟而散麻得漆
而湧桂得葱而軟樹得桂而枯戎鹽壘卵獺膽分
梧○鳩食桑椹猶食薄荷虎食狗皆醉○燕避戊
巳蠃伏庚申橘柚彫于北徙石楠鬱于東移○久
服芎藭令人暴死食黃頰魚後飲荊芥湯卽死○

藕蜜同食可休糧○巳豆神仙服卽死鼠食則肥
大○巳不殺蛇牛有耳而聽以鼻龜有鼻而息以
耳

龍虎方知

埤雅蛇盤向壬虎奮衝破

山中異名

抱朴子山中辰日稱雨師者龍也巳日稱寡人者蛇
也社中巳日稱時君者龜也辰日稱無腸公子者
蟬也

千頭木奴

襄陽記李衡曰龍陽洲上千頭木奴歲得絹數千疋木奴橘樹也

眞火大藥

性命眞印眞火本無候大藥不記斤丹書所謂守一守雌曰戊巳爲媒皆不得已而強名也冬夏二至子午二時卯酉二弦朔望二候不過言此身陽和之盛衰耳其中妙旨存乎已訣但進火主陽數退符主陰數乾之策三十有六陽數也坤之策二十

有四陰數也火記六百篇者一年十二月除卯酉月爲沐浴計十箇月爲三百日爲日消長二符故有六百大槩朝屯暮蒙爲退進水火之定法火功止於十月十月之後惟用溫養紫陽翁所謂但安神息任天然也

庚申日守三尸。

太上三尸中經曰人之腹中各有三尸九蟲爲人大害嘗以庚申之日上告天帝記人之罪分毫奏錄欲絕人生籍減人祿命令人速死死後魂昇于天

魄入于地惟三尸遊走名之曰鬼四時八節企其
祭祀祭祀不精卽爲禍患三尸分居人身上下爲
人之孽上尸名彭倨在人頭中令人眼暗髮落口
齒病中尸名彭質在人腹中伐人五臟少氣多
忘令人好作惡事下尸名彭矯在人足中令人下
關搔擾五情湧動淫邪不禁其尸形似小兒或如
馬狀長毛二寸人死卽出作鬼如人生時形像衣
服長短無異其九蟲類多如蛔蟲白蟲之類躁人
五臟多致殺人令人多病種種動作亦有人身少

者養道之心欲調去之凡庚申日兼夜不臥守之
如疲少伏莫睡熟此尸卽不得上告天帝又太上
律科云庚申日北帝開罪禍門通諸鬼神訴訟異
類併集善惡之業賞責不遺經曰三守庚申三尸
震恐七守庚申三尸長絕五神長靜不惑不淫真
靈衛助與天地相畢每夜臨臥叩齒三七以左手
撫心上呼三尸名卽不敢爲害又符咒諸說不足
過信

天罡方

脉望修持之士隨天罡所指之方而居之正月建寅
順月數至當值之月就于月上加戌數至當值之
時就于時上數貪巨祿文廉武破值破軍卽天罡
所在之方身在對宮乃吉也所謂罡星指丑其身
在未所指者吉所在者凶凡一切行事鬼神莫測
也如五月五日數至寅上卽午時天罡在寅爲
鬼戶謂之罡塞鬼戶之類訣曰每月常加戌逢時
數七星又曰罡輪掌上知建指竅運掌中明吉凶
今之用罡者不一又見每月令時令陰陽

節慾

八牋養生之方首先節慾夫元氣有限人慾無窮慾心一起熾如炎火能於慾初萌卽強制之思其所爲如虎豹之墟幽冥之徑懼心一起而慾火自消四時用藥權正

春夏秋冬人氣順應者天道之自然寒風暑濕臟腑傷中者人事之偶然知其自然順正調之知其偶然以權制之知權與正則寒熱溫涼之時表裏虛實之病汗吐下和之法辛苦甘酸之劑隨時處用

左右逢源矣如春氣溫藥食宜用涼當遠去其溫
夏氣熱藥食宜用寒秋氣涼藥食宜用溫冬氣寒
藥食宜用熱是從天氣調則和者也逆此則病生
矣此用藥施治之論也百病以傷寒爲重症不宜
輕易按方用藥致誤法則短章亦不足以申其要
茲舉傷寒啓蒙數語以證其例萬全歌治傷寒世
罕稀舉世時醫莫能知仲景石函節菴傳蕭氏青
陽作歌記方不同法更異四時傷寒各有例只有
冬月正傷寒不與春夏秋同治發表實虛多奇方

用在三冬無別制春夏秋各有方只用羌活沖和湯春溫夏熱秋治濕隨時加減妙難量病症與冬皆相似淺深表裏脉中詳

去害

呂覽年壽得長者非短而續之也畢其數也畢數之務在乎去害何謂去害大甘大酸大苦大辛大鹹五者克形卽生害大喜大怒大憂大恐大哀五者接神卽生害大寒大熱大燥大濕大風大霖大霧七者動精卽生害矣

生炁

歲有一歲之生氣本宮干支生神是也凡造作大事逐年方向神煞通書曆日詳載其餘小事逐月見之

避太歲

太歲者主宰一年之尊神凡吉事勿衝之凶事勿犯之凡修造方向等事尤宜慎避又如生產最忌向太歲方坐又忌于太歲方傾穢水及埋衣胞之類餘可例推通書可攷

飲食宜忌

延命錄飲以養陽食以養陰食宜常少亦勿令虛不
飢強食則脾勞不渴強飲則胃脹冬則朝勿令虛
夏則晝勿令飽飽食勿仰臥成氣痞食後就寢生
百疾

多財者驕高位者慢多功者伐大智者狂勝才者傲
厚德者下實道者隨不了假緣橫生取捨識風鼓
扇浩蕩不停如海波澄因風起浪風若不起波浪
何生識若不生萬緣何有故致道者不了卽生了

卽無生也善哉

大忘不忘無不忘用意忘者愈忘愈著然著者未喻
道果喻道何不忘耶故曰魚相忘於水人相忘於
道

立春日辰

先天與後天何須問神仙但看立春日甲乙是豐年
丙丁多主旱戊巳損田園庚辛人馬動壬癸水連
天

歲有三風

正月一日平旦漸漸風至暮漸漸晴明一有風二有陽三有陰雲號三有其年大收缺一不驗

甲子雨

凡四立初甲子不宜雨朝野僉載春甲子雨赤地千里夏甲子雨乘船入市秋甲子雨禾頭生耳冬甲子雨雪飛千里一云牛羊凍死

壬子雨

春雨人無食夏雨馬無食秋雨牛無食冬雨鳥無食須看甲寅晴俗云均傳過壬子雨丁巳晴陰陽却

卷之二
米二日俱晴則六六日內少雨壬子癸丑甲寅晴
四十五日滿天星還將下已爲證明

翔日雨

上旬過月雨謂翔日之雨諺初三月下有紅雲初四
雨傾盆念五念六若無雨初三初四船且住

甲申雨

米暴貴春雨穀不收夏主傷田禾秋主六畜死冬雨
人病多諺甲申猶自可乙酉愁殺人更逢壬子雨
相牽久作陰閩人遇四時甲申日雨必閉糶

四丙寅晴

春丙陽陽無水浸秧夏丙陽陽乾死禾娘秋丙陽陽
乾晒入倉冬丙陽陽無雪無霜

支干雜占

甲戌庚必變諺久雨久晴換甲爲真大抵甲爲天干
之首也甲雨乙拘甲不拘巳甲午旬中無燥土久
晴逢戊雨久雨望庚晴久雨久晴逢庚俱變庚申
晴甲子應久雨不晴看丙丁上火不落下火滴澤
謂丙申丁酉也

歲星

星經歲星出左有年出右無年

占雲

二分二至日青雲主蟲白主孝赤主兵荒黑主水黃
豐年雲往西南雨往西北晴

五行占

類占木非時枯落主暴兵鳥不巢木而巢屋人事失
常

下雨忌日

四時占候春丁卯夏辛卯秋乙卯冬癸卯

四大吉時

黃曆每月下有某日日經娵訾之次當用甲丙庚壬
時此則四大吉也時百凡用之最吉如娵訾爲亥
正月將凡十二將俱逆行自亥始正月必待中氣
始交將交後始作正月娵訾論其雨水前皆作十
二月也正月中氣後用甲卽寅卯二時各半用之
丙取巳午庚取申酉壬取亥子是也每月以曆次
之要在日經次後方可用餘月同

逐月生炁

每年逐月有生炁死炁之位宜修生炁之方蓋與天德月合合其吉路也忌犯死炁正月生炁在子癸死炁在午丁二月生炁在丑艮死炁在未坤三月生炁寅甲死炁申庚四月生炁卯乙死炁辛酉五月生炁辰巽死炁戌乾六月生炁巳丙死炁亥壬七月生炁午丁死炁子癸與正月反對八月反對二月九月對三月十月對四月十一月對五月十二月對六月

五道吉方

天道吉方子午年坤艮寅申年乙辛丑未年甲庚卯酉年乾巽辰戌年丙壬巳亥年丁癸

人道吉方子午年乾巽丑未年丙壬寅申年丁癸卯酉年坤艮辰戌年甲庚巳亥年乙辛

利道吉方子午卯酉年乙卯寅申丑未年丙壬辰戌巳亥年甲庚

月天道方正七月乙辛二八月乾巽三九月丙壬四十月丁癸五十一月坤艮六十二月甲庚

月人道方正七月丁亥二八月艮坤三九月丙壬四
十月丁癸五十一月坤艮六十二月甲庚

方位福地

凡遇子午年五月戌酉十一月卯辰吉○丑未年六
月戌亥十二月辰巳吉○寅申年七月亥子正月
巳午吉○卯酉年八月子丑二月午未吉○辰戌
年九月申未三月寅丑吉○巳亥年十月申酉四
月寅卯吉蓋取其方位年月日時卽爲興作福地
逐月土炁所冲方位

正月丁未二月坤三冲壬亥四戌明五月冲乾六壬
申七冲癸丑八艮平九冲丙巳十辰乙子月巽方
丑甲庚逐月修造忌犯土炁犯則宜禳

母倉吉日

百事吉春亥子夏寅卯秋辰戌丑未冬申酉土王後
巳午日

定太陽出沒

正九出乙入庚方二八出兌入雞場三七發甲入辛
地四六生寅入犬藏五月生艮歸乾上仲冬出巽

入坤方惟有十月十二月出辰入申仔細詳

周髀算術

拾遺記周髀妙閑算術識說遊岷山採藥見一白猿
化爲老翁握玉板長八寸授髀問其年答曰今已
衰邁忘所生平憶從軒轅時學曆數風后容成皆
黃帝之史就余授業至顓頊更考定日月星辰之
運多差異春秋時子韋子野裨竈之徒權略雖驗
未得其門爾來世代不復可記因以相襲至漢洛
下閎得其大旨髀因是精勤算術考較年曆之運

驗于圖緯知蜀應滅及明年歸命皆稱周群詳陰陽之妙謂之後聖

此說誕謬蓋尋源以託喻也

太陰建德

淮南子太陰元始建于甲寅一終而建甲戌二終而建甲午三終而復得甲寅之元歲徒一辰立春之後得其辰而遷其所順前三後五百事可舉○太陽所建蟄蟲首穴而處鵲巢向而爲戶○太陰在寅朱雀在卯勾陳在子玄武在戌白虎在酉蒼龍在辰寅爲建卯爲除辰爲滿巳爲平主生午爲定

主長未爲執主陷申爲破主衡酉爲危主約戌爲
成主少德亥爲收主大德子爲開主太歲丑爲閉
主太陰太陰在寅歲名曰攝提格在卯曰單閼在
辰曰執徐在巳曰大荒洛在午曰敦牂在未曰協
洽在申曰涒灘在酉曰作噩在戌曰淹茂在亥曰
大淵獻太陰所居曰德前後謂太陰之前後也單
讀爲明陽之明凡用太陰
左前刑右背德繫勾陳之衝辰以戰必勝以攻必
尅欲知天道以日爲主六月當心左周而行分而
爲十二月與日相當
天地重襲後必無殃

人參

初生者三四寸許一椹五葉四五年後生兩椹五葉
未有花莖至十年後生三椹年深者生四椹各五
葉中心生一莖俗名百尺杵三四月花細小如粟
藥如絲紫白色秋後結子或七八枚如大豆生青
熟紅自落二四八月上旬採根竹刀割曝乾勿見
風

仙鶴常鶴

御製文集東海貢仙鶴態貌與常鶴同參者去其翮
雜群鶴中日夕與人相狎凡鶴去翮周時又生值

五六月群鶴颺去不遠而墜與民不知而彈射之
鰲者謂之俗鳥也去不依時若智鳥必息六月若
扶搖值春秋所以假天風而各乘其氣尚有未去
者必神鳥及觀其貢鶴丹頂玄裳墨足日三朝而
四舞鼓翼無時致歡君子于世能善事動善時若
鶴非時不動也

建華冠

全上建華冠鐵柱貫九珠今以銅爲珠形製似縷簪
知天文者服之左傳鵠冠是此制也天地五郊

堂月令舞者服之

鼈孚蚌乳

白虎通鼈孚乳以夏蚌孚乳以秋蚌聞雷聲則痢其
孕蛛也若懷妊然故謂之珠胎與月盈胸淮南子
曰月死而螺蚌鰾墨子曰楚之明珠生于蚌蜃蓋
蚌無陰陽須雀蛤而化故其久者能生珠與月應
專一于陰也

來生報應

王坦之傳王坦之與沙門竺法師甚厚每共論幽冥

報應便要先死當報其事後經年師忽來云貧道已死罪福不虛惟當勤修道德以升濟神明耳言訖不見坦之尋亦卒

風聲木

洞冥記太初二年東方朔從西那國還得風聲木拾枚實如柚實風吹枝如玉聲有武事卽如金革響有文事卽如琴瑟響上以枝賜人有疾者枝汗出死者枝則折昔耆聃在周世七百年枝未折僅全生于堯時三千年枝未折上以枝賜朔朔曰臣見

枝三過枯死而復生。里語曰：年未半枝不汗。此木五千年一濕萬歲一枯。縉雲之世生於阿閼間也。

三河玉

于闐玉河源出崑崙山西流一千里至于闐界牛頭山疏爲三河曰白玉河綠玉河烏玉河。其玉隨地變色。每五六月隨大水而出多寡隨水大小七八月水退取。

安息香

生南海波斯國呼爲辟邪樹。長三丈皮色黃黑葉有

四角冬不凋落二月黃花花心微碧不結實刻皮
流膠如飴六七月凝堅採之

求放心

朱子語錄陳烈先生苦無記性一日讀孟子學問之
道無他求其放心而已矣忽悟曰我心不曾收得
如何記得書遂閉門靜坐百餘日不讀書以求放
心却去讀書一覽無遺

豹直

見聞錄御史初入臺陪直比五日爲伏豹取不出之

義衆官皆出此人獨畱故曰豹直

月給苓蜜

南史陶弘景家貧辭祿梁武帝勅所在月給茯苓白蜜以供服餌

辛壬癸甲

書注禹辛壬癸甲四日也說文當龠山民傳流以此四日嫁娶

先甲後甲

蠱元亨利涉大川先甲三日後甲三日蠱壞極而有

事也。蠱必復至有大亨之道。濟世之艱難。先甲三日辛也。後甲三日丁也。前事將壞。則可自新。不使大壞。後事尚新。更當丁寧。不使速壞。

先庚後庚

先後俱去聲

巽九五貞吉。悔亡。无不利。无初有終。先庚三日。後庚三日。吉。象曰：九五之吉。位正中也。義剛中居巽體。命令之所出也。處得中正。盡巽之善。則始未善而終更善矣。先庚丁。後庚癸。所以丁寧于前。揆度于後也。

日居月諸諸一音茲

詩發語呼而訴之之詞

先甲一日易

楊子先甲一日易後甲一日難求福于未犯之先易
救禍于已形之後難

消息盈虛

莊消息盈虛一晦一明月令注陽生爲
息陰死爲消

弦望

釋名弦月半之名也其形一旁曲一旁直若張弓弦也望月滿之名也日月遙相望也

月行鳧飛

王充論衡月一日一夜行二萬六千里與鳧飛相類

紀涓木雞

列子紀涓爲周宣王養鬪雞十日而問雞可鬪乎曰未也方虛驕而恃氣十日又問之曰未也猶疾視而盛氣十日又問之曰幾也望之爲木雞其德全矣異雞無敢應者

七日鑿竅

莊子儵與忽遇混沌待之甚善而報其德曰人皆七

竅此獨無有試鑿之七日混沌死

開口笑

莊人上壽百歲中壽八十下壽六十除病癯死喪憂患其中開口笑者一月之中不過四五日而已

名數

元辰

月之元辰吉日也

穀旦

吉日

三旬

十日曰旬三旬上旬中旬下旬

三浣

亦作澣三旬也

三正

三旬之政三正盈旬

盈旬

滿十

浹旬

禮十日

旬十一

浹日

楚語遠不過三浹日

浹辰

左浹辰之間楚

日也

又曰閏隔一辰之期如許久矣非指月之

十二日也

一說浹一週也說文編十日為旬

周

也

旬也十日周辰俱見上註也信次左一宿為舍二宿星

杓而指謂移月也月箭每月更換律管涉月也越月日積

越月彌月滿一累月律曆志累月河分支初弦也新月

三弦李巴月成三朏朏朏朏始生魄然也承大月

月生二日謂之魄承小月月生三日謂之朏朏而月

見東方謂之朏亦謂之側匿又月朝見曰朏朏而月

夕見曰朏宋以朏字避禧宗故改為朏朏死霸

生霸志死霸朔也生霸望也書註魄形也月輪廓

無光之處朔後明死魄生望側匿望之後漸虧謂之側

至晦無光謂之匿又日至魄光詩雅度災月三日

夜亦匿匿日過中曰側魄光成魄八日成光

半月

望前曰上半月望後曰下半月

白博

望前也

黑博

望後三五

二八

三五月圓望日也二八十六日也

灰月

釋名晦月盡之名也死為灰月中光盡似之

大小盡

盡終也大月曰小月曰小盡

鳥飛兔走

月中玉兔鳥陽

鳥也亦曰金鳥兔陰物以月象之鳥飛兔走日月迅疾也

異時

猶往替年替滿

月

滿一也 市月

經月

一月一經月逾月也 令月

時

良月

良時

直月

值當也 當月

適當 按月

據所

逐月

隨其

前月

上月

後月

將來之月

幾月

旬月

違旬

順月

信順

景星

孫氏瑞應圖景星者天精也狀如半月生于晦

朔助月為明王者不私人即見

青瑤

瀛洲有金鑿觀飾以衆寶懸火精爲日刻黑玉爲鳥
以水晶爲月削青瑤爲蟾兔于地下爲機杼以測
昏明不虧弦望

數丸

酉陽編數丸生江海邊如螭蜺取土作丸數至三日
則潮至人以爲候因名數

天恩日

甲子乙丑丙寅丁卯戊辰巳卯庚辰辛巳壬午癸未

巳酉庚戌辛亥壬子癸丑

宜上官宜
嫁娶求財

天瑞日

戊寅巳卯辛巳庚寅壬子

宜上官
受賀

天福日

巳卯辛巳庚寅辛卯壬辰癸巳巳亥庚子辛丑巳巳

丁巳庚申

宜入宅
行禮

大明吉日

辛未壬申癸酉丁丑巳卯壬午甲申丁亥壬辰乙未
壬寅甲辰乙巳丙午巳酉庚戌辛亥丙辰巳未庚

申辛酉

五離日

甲申乙酉天地離忌開市販易○丙申丁酉日月離
忌爐冶會客○戊申巳酉人民離忌出行嫁娶○
庚申辛酉金石離忌鑄鎔○壬申癸酉江河離忌
乘船裝載

四不祥日

每月初四初七十六十九

九世壽翁

洞微志太平興國中李守中過海至瓊州界經一處
自稱楊遐舉年八十一邀守中見其父曰叔連年
百二十二祖宋卿年百九十五梁上雞窠中小兒
出頭下視宋卿曰此九代祖不食不語不知其年
朔望取下子孫列拜而已

囊雲

耳談臞仙者寧廢王之先王也多執好文兼攝生每
月令人往廬山顛囊稠雲以歸結小屋曰雲齋障
以廉幙每日放雲一囊令四壁網縕裊動如在崑

洞

博義

翻譯名義集此云半月能男半月不能男此依四分律出 又如扇提羅此云石女無男女根故又楞伽經云石女兒名槃太子

破鏡上天

古樂府葉砧何處去山上復有山何當大刀頭破鏡

飛上天

問答詞葉砧砧石也稱其夫山上山出也大刀頭有環還也破鏡半月形謂半月還

玄圃春山

穆天子傳春山之澤清水出泉溫和無風百獸所飲
先生所謂玄圃也

海市

登州海上春時水上霧氣結爲樓臺城市人畜往來
嘈雜之狀名曰海市或曰卽蜃氣也蘇東坡爲文
禱海神十月爲之出現詳碑刻

朱砂泉

君溪漁隱黃山湯泉是朱砂泉春時則微紅

春帶草名

錦帶花名初生嫩葉可以作羹

春方若木

東爲春方從日在木中鄭樵曰木若木也日在上曰杲在中曰東在下曰杳一作瑞木

華平

選註瑞木也天下平枝華亦平世不平則葉向其方傾側

朱草

大戴禮朱草日生葉至十五日生十五葉十六葉

落終而復始陸賦月始而生月虧而落或產水陸
或生岩側瑞比萸萸珍如靈芝

梨花春

長慶杭俗釀酒名梨花香醉仙圖記祿州俗釀宜趁
梨花時熟號梨花春

劫外單方

木道人求得於西域知識

三昧丸

諸佛無心三昧自己無心三昧用此二味雲門麵爲丸用太虛廓體湯空心日進三服

消遙散

除煩惱○絕妄想○二味用本源智水早晚不拘調服

和氣湯

用一味忍字○用默默無根水送下

清神爽神丸

用惺一味○寂一味般若波羅蜜爲丸○大悲水調服○時時進一服

夫群生沉寢六趣醉生夢死厥過惟繇心識聚緣內搖流逸遶波奮懣而難制者非乎心也吾弗識其何爲過也且夫受患旣深久矣一旦欲制其逸非方尚弗識乎其相又奚能控制伊遶突之流浪哉故夫駿馬之遶逸疆轡得而制之小人之強橫符

法得而誅之此心亦然今欲恬夫曠劫過茲非寂
字工夫無以靜其疆域矧平外淑中搖形弱神去
潛微幽隱誠非群情之所能盡寂而制之者可謂
得夫治之方也矣故彼之動動者不能強乎其寂
聖耶賢耶衆生耶寂以其體也山川耶草木耶寂
乎寂乎又豈徒然而已哉雖然當乎寂者日久猶
病非夫惺惺不寐了了常知難乎免於偏枯之疾
永嘉所謂寂寂惺惺是無記寂寂非惺惺寂寂是
亂想惺惺非行人工夫欲不僻藥病兼修直須沉

浮兩釋惺寂雙流庶可以造玄境統真俗大而無
外細而無內惺一乎寂乎皆剩語矣況所謂工夫
之說哉

四君子湯

無我 無人 無衆生 無壽者

六君子湯

布施 持戒 忍辱 精進 禪定 智慧

木道人問聆老師

棒喝舉時山藏海竭鋏馬笑春風泥人悲夜月此時

老禪師見我木道人否

天童密雲和尚答

但請居士自看則棒喝舉時山藏海竭鋏馬笑春風
泥人悲夜月自無可說矣何故正見居士未嘗親
證貧道棒喝之旨故以意識轉計山藏海竭鋏馬
笑春風泥人悲夜月爲窠窟正喫棒未有了日在
且說似一物卽不中豈可容與馬笑春風泥人悲
夜月哉

來諭藏跡芝山心閑雪嶽者貧道看盡大地唯箇居

士所以世尊云天上天下唯我獨尊又古德云舉頭天外看誰是我般人何居士以芝山雪巘爲藏跡心閑哉如云近僧道源五蘊塞胸者四大本空五蘊非有更誰爲胸誰爲塞若離胸臆而求真心玄旨則賺道源故貧道悟不敢以別法加道源分上須道源返炤自亦始得再示滇南僻在天末欲貧道飛錫遐荒指迷發覆者貧道固應從命但年逾從心之餘不能跋涉伏惟原諒